

tur hoc modo : Azarias rex Juda cœpit regnare sub anno decimum quintum Jeroboam regis Israel, et cum eo regnavit annis 26 ; deinde interregnum in Israel fuit usque ad annum duodecimum post mortem Jeroboam, qui erat annus trigesimus octavus regni Azariae, et quo patri Jeroboam successit Zacharias rex Israel.

Inst. I. Jeroboam rex Israel tantum regnavit 41 annis, IV Reg. XIV, 23. Atqui juxta hanc responsionem regnasset annis 55 ; ergo.

Prob. min. Ante Azariam regem Juda regnavit annis viginti septem, ut supra ostensum est, et cum Azaria annis viginti sex, qui simul faciunt annos quinquaginta tres.

R. disting. min. Regnasset annis 55, computando 12 annos, quibus regnavit cum patre; concedo : illis non computatis ; nego minorem.

Inst. II. Non sunt adstruenda interregna sine evidenti ratione. Atqui successio Zachariae, IV Reg. XV, 8, ab aliquibus commode explicatur sine interregno ; ergo.

Prob. min. Tantum supponi debet quod Azarias a patre fuerit assumptus regni socius anno 18 Amasie : tunc enim ante mortem patris sui regnavit Azarias annis 11 ; deinde mortuo Amasia, erat annus decimus quintus inchoatus, quo solus regnabat Jeroboam rex Israel. Jam vero post mortem Amasie usque ad quadragesimum primum Jeroboami annum, adhuc reperiuntur 26 anni completi, et vigesimus septimus inchoatus ; ergo Azarias, vivente patre suo Amasia, regnavit 11 annis cum Jeroboamo, et post mortem patris cum eodem Jeroboamo 27 annis inchoatus. Jam vero 11 et 27 faciunt 38 annos regni Azariae ; ergo sine interregno commode explicatur, quod Zacharias filius Jeroboam obtinuerit regnum Israel anno trigesimo octavo Azariae regis Juda.

R. neg. ant. et min. probationis. Ad textum autem Scripturæ dico quod annus vigesimus tertius Joæ regis Juda tantum esset inchoatus, adeoque tantum erant 22 anni integri : deinde Joachaz moriens etiam tantum inchoaverat annum regni sui decimum septimum ; adeoque hic simul tantum erant 38 anni completi, et trigesimus nonus inchoatus, quando mortuo patre solus regnare cœpisset Joas rex Israel, qui proinde regnavit cum Joa rege Juda anno trigesimo nono et quadragesimo ; sicut mortuo patre, Amasias rex Juda regnare cœpisset anno secundo Joæ regis Israel.

R. neg. min. ejusque probationem : quia in isto supposito Azarias a patre Amasia fuisse in regni socium assumptus anno ætatis sue ad summum sexto : nam hic cap. XXVI, 1, occiso in Lachis Amasia, Omnis populus Juda filium ejus Oziam annorum sexdecim, constituit regem pro Amasia patre suo. Ergo si cum patre jam regnasset 11 annis, ad summum agebat annum ætatis sextum, dum regni paterni socius designatus est, quod prorsus incredibile et nusquam practicatum legitur.

Inst. III. Joas, supra, cap. XXIV, rex inauguratorus est anno ætatis sue septimo ; ergo suppositum illud non est prorsus incredibile.

R. disparitatem esse, quod Joas inauguratus fuerit vacante regno ; at Azarias, existens ad summum 6 annorum, in regni socium assumptus fuisse vivente patre, quod nusquam practicatum putamus.

Obj. IV. Anno trigesimo septimo Joas regis Juda regnavit Joas filius Joachaz super Israel in Samaria secundum annis. Ergo Amasias post mortem Joæ regis Israel vixit ad minus 17 annis.

Prob. conseq. Joas rex Israel tantum regnavit 16 annis, scilicet cum Joa rege Juda (qui regnavit 40)

et 12 cum Amasia : atqui Amasias 29 annis regnavit ; ergo juxta textum allatum post mortem Joæ regis Israel regnavit 17 annis.

R. Neg. conseq., et ad probationem distinguo maj. Joas rex Israel tantum regnavit 16 annis solus, concedo : computatis 2 annis, quibus regnavit cum patre suo Joachaz ; nego maj. et conseq. Regnavit ergo Joas rex Israel cum patre suo ab anno trigesimo septimo usque ad annum trigesimum nonum Joæ regis Juda ; deinde mortuo patre, cum eodem Joa solus regnavit 2 annis, et denique cum Amasia 14 annis ; adeoque solus regnavit 16 annis, et 2 cum patre, seu simul 18.

Obj. V. Amasias et Joas rex Israel uno eodemque anno regnum obtinuisse videntur ; ergo ad summum tredecim annis post Joam vixit Amasias.

Prob. ant. Uterque immediate successit patri suo. Atqui patres eorum uno eodemque anno mortui sunt ; ergo.

Prob. min. Joas rex Juda tantum regnavit quadragesima annis. Atqui Joachaz, pater Joæ regis Israel, incœpit regnare anno vigesimo tertio Joas regis Juda, et regnavit in Samaria decem et septem annis, IV Reg. XIII, 1. Ergo patres eorum uno eodemque anno mortui sunt ; cum 23 et 17 faciant 40.

R. neg. ant. et min. probationis. Ad textum autem Scripturæ dico quod annus vigesimus tertius Joæ regis Juda tantum esset inchoatus, adeoque tantum erant 22 anni integri : deinde Joachaz moriens etiam tantum inchoaverat annum regni sui decimum septimum ; ergo Azarias, vivente patre suo Amasia, regnavit 11 annis cum Jeroboamo, et post mortem patris cum eodem Jeroboamo 27 annis inchoatus. Jam vero 11 et 27 faciunt 38 annos regni Azariae ; ergo sine interregno commode explicatur, quod Zacharias filius Jeroboam obtinuerit regnum Israel anno trigesimo octavo Azariae regis Juda.

Amasias succedit Ozias filius, qui de pluribus hostibus triumphans, et in superbiam elatus, præsumit adolere incensum Domino ; et idcirco lepra percuditur usque ad diem mortis sue, ejusque loco regnum administrat Joachaz filius ejus.

QUÆSTIO PRIMA. — QUOTO ANNO REGNI OZIAS LEPROCUSSUS SIT.

Vers. 5 : Et exquisivit (Ozias) Dominum in diebus Zacharie intelligentis et videntis Deum : id est, experti et periti in visionibus propheticis et divinis. Hunc prophetam aliqui putant fuisse filium alterius Zachariae, quem impius rex Joas lapidari jussit in templo, supra, cap. XXIV, 21. Hic dum vixit, regique Ozias familiaris fuit, illum in officio continuit : ubi vita excessit, etiam Ozias a recto deflexit.

Obj. IV. Anno trigesimo septimo Joas regis Juda regnavit Joas filius Joachaz super Israel in Samaria secundum annis. Ergo Amasias post mortem Joæ regis Israel vixit ad minus 17 annis.

Prob. conseq. Joas rex Israel tantum regnavit 16 annis, scilicet cum Joa rege Juda (qui regnavit 40)

cæremoniis. Sed hic contrarium liquet : nam aperte distinguitur officium sacerdotum et officium regis, et dicitur quod offerre incensum seu thymiana, ac proinde alia quæ religionis sunt curare, ad ejus officium non spectent ; ac per consequens non possit ex auctoritate se rebus sacris immiscere, sed tanquam filius Ecclesiae, eidem et Deo subservire. Ita Estius.

¶ 19 : Statimque orta est lepra in fronte ejus coram sacerdotibus. Inter varias interpretet et chronologorum opiniones admodum probabilis videatur sententia Abulensis, Saliani, Paludani nostri, et aliorum, arbitrantium pœnam hanc non nisi ultimis vitæ annis Ozia fuisse inflictam.

Prob. I. Quia ex eo tempore quo Ozias fuit leprosus, cœpit Joatham filius ejus regere palatum regale, et judicare populum terræ ; ut patet ex IV Reg. XV, 5, ubi percusso, et a multitudine separato Ozia, subditur : Joatham vero filius regis gubernabat palatum, et judicabat populum terræ. Adeoque jam erat aliqualis ætatis, puta 20 annorum. Jam vero Joatham erat 25 annorum, cum regnare cœpisset, ut dicitur IV Reg. XV, 5, et hic cap. seq., ¶ 4 ; ergo ad summum 4 vel 5 annis vixit Ozias, postquam lepra percussus est.

Prob. II. Quia, ut ex hoc capite liquet, bella plurima movit Ozias, insignesque adeo retulit victorias, et in aliis ita magnificatus est, ut præter Davidem nullus ei potuerit æquari. Atqui haec facere non potuit in minori ætate, nec fecit post immissam lepram ; ergo multo eguit tempore ætatis intermediae, ut haec omnia ageret ; et consequenter non nisi ultimis vitæ annis lepra percussus est.

SOLVUNTUR ARGUMENTA. — Obj. I. Ozias lepra percussus est vivente adhuc Jeroboamo. Atqui Jeroboam, juxta dicta cap. præced. Quæst. II, mortuus est anno regni Oziae vigesimo septimo ; ergo ad minus 26 annis ante mortem lepra percussus est Ozias.

Prob. maj. Quia terra motus, de quo Amos, cap. I, 1, factus est vivente Jeroboamo, vel saltem paulo post mortem ejus, cum inceperit Amos prophetare in diebus Jeroboami filii Joas regis Israel, ante duos annos terræ motus : Atqui eodem tempore, quo accidit ille terræ motus, lepra percussus est Ozias ; ergo percussus est vivente adhuc Jeroboamo, vel paulo post mortem ejus.

R. neg. maj. et conseq. Cujus falsitas vel ex eo patet, quod moriente Jeroboamo, nondum natus esset Joatham filius Oziae ; cum hic moriente patre tantum attigisset annum vigesimum quintum, et in isto supposito leprosus, et ab hominum consortio separatus fuisse. Ozias per annos 26. Deinde moriens Ozias erat annorum 68 (anno enim ætatis decimo sexto regnum obtinuit, et 52 annis regnavit), et tunc filius Joatham attigerat annum ætatis sue vigesimum quintum, adeoque natus est anno sui patris quadragesimo tertio. Atqui ad summum Jeroboam vixit usque ad eundem annum ætatis Oziae quadragesimum tertium ; ergo vivente Jeroboamo non potuit esse lepra percussus Ozias, et multo minus filius ejus Joatham,

vix aut ne vix natus, regnum administrare. Unde ad probationem, concessa majore, minor omnino neganda videtur.

Recte ergo quidem hunc terræ motum plurimi post Hebreos asserunt contigisse sub annum regni Oziae vigesimum septimum ; sed male eodem anno Oziam lepra percussum fuisse contendunt.

Inst. I. Josephus, lib. IX, Antiq., cap. 11, asserit ob fastum Oziae, victoriis elati, tres ipsi plagas fuisse immissas. Prima fuit hic terræ motus, secunda vi-tium lepræ, tertia repulsio medii montis collocati in loco qui dicebatur Erogen.

R. quod vel illæ plagæ successive tantum immissæ dici debeant, puta terræ motus anno regni ejus vigesimo septimo, percusso lepræ anno quadragesimo septimo ; vel quod a sententia Josephi discedere nos cogat Scriptura, dicens quod pro patre leproso regnum administraverit filius ejus Joatham.

Inst. II. Dici potest quod Joatham eodem anno 27 regni patris administraverit regnum per optimates, sicut factum est in septenni rege Jea.

R. hanc explicationem viderimis contortam, nec esse paritatem in expressione textuum : nam dum de Joa dicitur, supra, cap. XIV, 1 : Septem annorum erat cum regnare cœpisset, satis intelligitur, quod non regnaverit nisi per optimates. Hic autem ¶ 21 alia phrasa dicitur : Joatham... rex domum regis, et judicabat populum terræ, quod ipsam Joathami personam appellare videtur. Deinde si per optimates fuerit regnum administratum, potius dieendum fuisse, quod Ozias regnum administraret, etc. Nam potius leproso regi, qui ex divina misericordia sanari poterat, hoc magis convenit quam infanti adhuc in cunis videnti.

Obj. II. Non videtur alia ratio assignabilis, cur Deus præfatum terræ motum immisserit, nisi ob attentatam Oziae temeritatem ; ergo quando contigit iste terræ motus, jam erat lepra percussus.

R. neg. ant. Potuit enim Deus immittere istum motum ante attentatum sacrilegium, ut victoriis tumidum et insolecentem Oziam ab attentando hoc sacrilegio alius peccatis deterret.

Obj. III. Textus sacer hic insinuare videtur, quod citius percussus fuerit Ozias, diutiusque leprosus, quam 4 vel 5 annis ; nam ¶ 16 dicitur : Cum roburratus esset, elevatum est cor ejus in interitum suum, et neglexit Dominum Deum suum : ingressusque templum Domini, adulere voluit incensum super altare thymianatis. Et ¶ 21 subditur : Fuit igitur Ozias rex leprosus usque ad diem mortis sue, et habitavit in domo separata plenus lepra, ob quam ejectus fuerat de domo Domini. Atqui cor ejus elevatum fuit propter ingentes victorias quas reportasse videtur primis 25 annis : et illa verba usque ad diem mortis sue, item habitavit, et ejectus fuerat, emphaticè singularem pœnam significant ; ergo diutina fuit ejus pœna, et separatio.

R. neg. assumpt., et ad minorem dico, quod licet gratis daretur omnes illas victorias ab Ozia esse re-

latas primis 25 annis regni ejus, nec tamen inde sequeretur, quod ipso facto in tantum cor ejus fuerit elevatum, ut temerario ausu sacerdotale munus sibi arrogaret; sed præsumendum potius, eum non nisi tractu temporis eo impietatis esse dilapsum: cum nemo drepente fiat pessimum.

Ad versum 21 dieo, quod verba singularem revera pœnam emphatice significent. Nam usque ad diem mortis sue designat hanc pœnam esse ei inflictam sine misericordia, sine impensa sanitate, etc. Deinde vox habitavit stabilitatem significat, et pœnae inflictæ continuationem sine ulla interruptione ad 4 vel 5 annos; qualis infirmitas et separatio ab omnium hominum contubernio, sine ulla spe recuperandi regni, haud dubie fuit pena durissima regi tam victorioso, etc. Denique r̄s ejectus fuerat, nihil aliud importat, quam eum, tanquam loco sacro indignum, e templo esse eliminatum, quod erat tanto regi plane proborum, etc. Habent ergo illa verba suam emphasis, quamvis non adeo diutina fuerit fœdissima ejus lepra et infamis separatio, ut aliqui contendunt.

Obj. IV. Saltem 16 annis ante mortem lepra percussus est Ozias: quia Scriptura innuere videtur quod Joatham 16 annis regnaverit vivente patre, et alii 16 mortuo patre.

Prob. assumpt. Quia eisdem plane verbis cap. scq. y. 1, et iterum y. 8, Joatham dicitur regnasse annis 16. Atqui hoc factum videtur ad designandum diversum tempus, quo regnavit, scilicet 16 ante mortem et 16 annis post mortem patris; ergo, etc.

R. neg. assumpt. ejusque probationem; et ad probationem ex Scriptura adductam dico, falsam esse minorem; quod ex eo patet, quia utroque loco agitur de eodem regni tempore: nam utroque loco dicitur fuisse viginti quinque annorum, dum regnare coepit: alias enim primo loco dicendum fuisset: *Novem annorum*: siquidem, cum Joatham mortuus sit anno ætatis sua quadragesimo primo, in mox memorato supposito fuisse tantum novem annorum dum regnare coepit ante mortem patris; in qua ætate capax non erat, ut per se ipsum judicaret populum terræ; quod tamen ipsum, a tempore percussi patris fecisse, Scripturæ textus satis clare insinuare videtur.

QUESTIO II. — QUIS FUERIT ISTE ISAIAS QUI, y. 22, SCRIPSISSE DICITUR RELIQUA SERMONUM OZIE.

Resp. istum Isaiam fuisse prophetam evangelicum, qui inter prophetas ponitur primus, ordine scilicet dignitatis, non temporis quo vixit; quique verisimiliter fuit consanguineus Oziæ regis Juda.

Probatur. Quia gesta regum per coetaneos scribi consueverunt. Atqui iste Isaias fuit Oziæ coetaneus; ergo, etc.

Prob. min. Quia prophetiam suam exorditur: *Visione Isaiae filii Amos, quam vidi super Judam in diebus Ozie, Joatham, Achaz et Ezechiae regum Juda.* Et rursus cap. VI sie incipit: *In anno, quo mortuus est Ozias, vidi Dominum sedentem super solium excelsum et elevatum,*

Hinc communiter censem auctores, hoc cap. y. 22, sermonem fieri de Isaia propheta evangelico, sic nuncupato, quia ita universa Christi, Ecclesiæque mysteria ad liquidum prosecutus est, ut non putes eum de futuro vaticinari, sed de præteritis historiam texere; prout de eo loquitur S. Hieron. in præfatione ad Paulam et Eustochium in translationem Isaiae ex hebreo veritate.

Obj. I. Qui scripsit gesta Oziæ fuit ejus consanguineus: atqui propheta Isaias non fuit ejus consanguineus; ergo, etc.

Prob. min. Quia propheta Isaias fuit filius Amos propheta: atqui Amos non fuit de stirpe regali sed rusticana, utpote ex pastoribus de Thecue, uti patet ex initio prophetæ ejus. Ita censet S. Epiphanius in vita Amos prophetæ; item Clemens Alexandrinus, lib. I Stromatum.

R. Neg. min. Quia propheta Isaias a pluribus dicitur fuisse cognatus germanus Oziæ regis, filius scilicet Amos fratris Amaziae regis Juda.

Unde quamvis S. Epiphanius et Clemens Alexandrinus putaverint ipsum fuisse filium Amos prophetæ, quem inter prophetas minores tertium numeramus, tamen S. P. Aug. lib. XVIII de Civ. Dei, cap. 27, ait: *Isaias filius Amos, sive supra dicti prophetæ (qui scilicet inter minores tertius ponitur), sive, QUOD MAGIS PERMITTETUR, ALTERIUS, qui non propheta eodem nomine vocabatur.*

Idem censem S. Basilius, et S. Hieron., qui in cap. I Isaiae dicit: *Amos pater Isaiae, non, ut plerique autant, tertius duodecim prophetarum est, sed alius diversisque scribuntur litteris.*

Obj. II. Generalis Hebreorum traditio est, quam in prologo super sophoniæ refert, nec refutat S. Hieron. quod quotiescumque alicuius prophetæ pater vel avus exprimitur, ille etiam fuerit propheta. Atqui ubi fit mentio de Isaia, pater ejus exprimitur Amos; ergo et hic fuit propheta, et consequenter Isaias est filius Amos prophetæ, qui ponitur tertius inter prophetas minores.

R. 1. generalem illam Hebreorum traditionem non ab omnibus admitti; imo nec ab ipso quidem Hieron. Quamvis enim eam loco citato non refutet, non ideo tamen approbat, sed ad summum de ea dabit.

R. 2. etiam gratis admissa illa Hebreorum traditione, nullam plane deductam esse consequentiam. Nam argumentum procedit a termino indeterminate sumpto ad eumdem determinate acceptum, seu ex eo quod Amos pater Isaiae fuit propheta, concluditur quod fuerit hic determinate propheta qui est tertius inter prophetas minores.

Obj. III. Isaias propheta evangelicus tantummodo

bis, et quidem non nisi obiter, Oziæ meminit, scilicet cap. VI, 1, dicens: *In anno quo mortuus est Ozias, Joatham, Achaz et Ezechiae regum Juda.* Et rursus cap. VI sie incipit: *In anno, quo mortuus est Ozias, vidi Dominum sedentem super solium excelsum et elevatum,*

R. disting. conseq. Ergo gesta Oziæ non scripsit

Isaias in prophetia sua; concedo: in alio libro, qui perit; nego consequentiam.

Obj. III. Lib. IV Reg., cap. XV, 6, dicitur: *Reliqua sermonum Azariae, et universa quæ fecit, nonne haec scripta sunt in libro verborum dierum regum Juda?* Atqui Isaias propheta non scripsit librum verborum dierum regum Juda; ergo gesta Oziæ non scripsit.

Prob. min. Quia jam memoratus liber dierum continet gesta omnium regum Juda usque ad captivitatem babyloniam. Unde et infra, cap. XXXV, 26 et 27, dicitur: *Reliqua sermonum Josiae... scripta sunt in libro regum Juda et Israel.* Atqui usque ad illa tempora non vixit Isaias propheta; ergo librum illum regum Juda non scripsit.

Resonderi potest primo, distinguendo consequens: Non scripsit gesta Oziæ in famoso libro verborum dierum regum Juda; transeat: non scripsit in alio libro; nego conseq. Nam nihil obstat, quo minus gesta Oziæ descripta sint in duabus libris, quorum unus citatur hoc capite, alter vero IV Reg. XV.

R. 2. disting. primam minorem: Isaias propheta non scripsit librum verborum dierum regum Juda totaliter; concedo: partialiter; nego minorem. Dico ergo, quod famosus ille liber non sit nisi collectio omnium historiarum, quas plures scriptores annotarunt de regibus sibi coevis, que postea in unum combinatae sunt; ita ut ex multis libris tandem exsurrexit unus iste famosus.

Porro isti libri particulariter sepe citantur, ut cognoscamus auctorem qui hujus aut illius regis gesta descripsit, et quidem forte fusius quam in famoso libro verborum scripta sunt. Unde lib. I Paralip., cap. ult., y. 29, dicitur: *Gesta autem David regis priora, et novissima scripta sunt in libro Samuelis Videntis, et in libro Nathan prophetæ, et in volumine Gad Videntis.* Item hoc lib., cap. IX, 29, dicitur: *Reliqua autem operum Salomonis... scripta sunt in verbis Nathan prophetæ, et in libris Ahiae Silonitis, in visione quoque Addo Videntis.* Similia autem de pluribus aliis regibus fere per totum librum II Paralip. reperiuntur; adeoque textus de quo hic y. 22 agitur, conformiter ad ea explicari potest.

CAPUT XXVII.

Ozias succedit Joatham filius, qui bonus et pius deprenditur, excepto quod non ingredieretur templum Domini, sed immolaret in excelsis, vero tamen Deo consecratis.

QUESTIO UNICA. — AN JOATHAM POST MORTEM PATRIS SUI REGNAYERIT PRÆCISE SEXDECIM ANNIS.

Resp. affirmative. Dicitur enim hic y. 1: *Viginti quinque annorum erat Joatham cum regnare cœpisset, et sedecim annis regnavit.*

Præterea patet resolutionis veritas ex duabus aliis locis inter se collatis; nam IV Reg. XV, 32, dicitur: *Anno secundo Phacee, filii Romelia regis Israel, regnavit Joatham filius Ozias regis Juda.* Et ibidem, cap. XVII, 4, habetur: *Anno decimo septimo Phacee filii Romelia regnavit Achaz filius Joatham regis Juda.*

Jam vero inter Joatham et Achaz nec medius fuit aliquis, nec cum patre sano et leproso Achaz regnasse probatur, nec interregnū in Juda fuisse ostenditur; ergo sexdecim præcise annis post mortem patris sui regnavit Joatham.

Obj. I. Joatham tantum regnasse dicitur 16 annis. Atqui saltem 4 vel 5 pro patre leproso regnum administravit; ergo post mortem patris tantum regnabit 11 vel 12 annis.

R. disting. maj. Dicitur tantum 16 annis regnasse, non computata administratione regni, præcedente mortem patris; concedo: computata illa administratione nego maj. et conseq. Quod vero Scriptura agat de solis annis Joatham quibus regnavit post mortem patris, patet ex V Reg. XV, 17, ubi dicitur: *Anno quinquagesimo secundo Azariae (adeoque ultimo vite ejus) regnavit Phacee filius Romelia super Israel in Samaria viginti annis.* Et deinde y. 32 dicitur Joatham regnasse anno secundo Phacee, et quidem 16 annis; ergo clarum est quod non nisi post mortem patris auspicatus sit regnum sexdecim annorum.

Obj. II. Lib. IV Reg. cap. XV, 50, dicitur: *Conjuravit... Osee... contra Phacee... et percussit eum, et interfecit: regnavitque pro eo anno vigesimo Joatham filii Oziae.* Ergo Joatham regnavit saltem 20 annis.

Respondent aliqui disting. conseq. Ergo regnavit Joatham 20 annis, computatis quatuor vel quinque quibus regnavit pro patre; concedunt: post mortem patris; negant conseq.

Sed haec responsio non videtur subsistere: nam dicitur ibidem quod Osee regnaverit anno vigesimo Joatham; adeoque illa sententia supponit, quod regnava cum Joatham uno saltem anno regnaverit. Atque uno quidem die potuit Osee regnasse cum Joatham; ergo.

Prob. min. Quia Phacee regnavit anno ultimo Azariae per annos 20, et anno Phacee decimo septimo regnavit Achaz filius Joatham, ut supra dictum est; ergo ne uno quidem die potuit Osee regnasse cum Joatham, utpote qui 3 annis ante initium regni Osee regnare desit, et mortuus est.

Respondent tamen illius opinionis patroni, quod, vivente Joatham, Osee invaserit regnum Phacee, et coepit regnare, quamvis non nisi post aliquot annos plene regnaverit, puta anno quarto Achaz.

Sed nec haec responsio evacuat difficultatem:

1. Quia in isto supposito duo reges Israel, Phacee, et Osee, sibi mutuo adversarii, simul regnasse dicebantur, quod Scriptura dicere non solet, ne annos regum perturbet.

2. Quia Scriptura eodem textu et tractu dicit, quod Osee percusserit et interficerit Phacee, et pro eo regnaverit anno vigesimo Joatham; ergo initium regni Osee a percussione Phacee ejusque interfictione sine fundamento separatur. Quinimo interfictionem Phacee initio regni Osee præmittit Scriptura; ergo male supponit illa responsio, quod regnare incepit Osee antequam Phacee esset interfactus.

5. Quomodo cum explicetur, videtur Phacee esse interfectus regnante Joatham; quod omnino improbare est, tum quia Joatham ab anno Phacee secundo tantum regnavit 16 annis, adeoque non vixit nisi usque ad annum ejus decimum septimum; tum quia Achaz anno Phacee decimo septimo regnasse dicitur, nec scitur cum patre regnum auspicatus.

Melius ergo dicitur cum Abulensi, Torniello, Salliano et A Lapide, quod textus objectus intelligatur de anno, qui futurus erat vigesimus Joatham, post patrem mortuum regnantis, si usque ad illum annum supervixisset. Quia vero 4 annis ante mortuus erat, annus hic revera erat annus quartus regni Achaz, qui immediate successit Joatham patri suo.

Inst. I. Nulla est ratio, cur 4 illi anni magis tribuantur mortuo Joatham quam viventi Achaz.

Respondent aliqui, quod hi 4 anni subtrahantur Achaz in poenam scelerum. Sed haec responsio non subsistit; quia tunc posteriores anni regno ejus potius subtrahendi erunt quam priores, cum posterioribus annis fuerit magis sceleratus. Unde

R. quod ratio ex parte Scripturae esse potuerit, quia nondum mentionem fecerat de Achaz; et hinc prædecessori ejus potius quam ipsi quatuor hos annos attribuit. Aliunde autem ratio est, quia sic melius explicari videntur textus Scripturæ.

Inst. II. Initium regni Osee ab interfectione Phacee etiam in nostra sententia necessario separandum est: ergo nulla est discentias, quæ nos quoque non premit.

Prob. ant. Phacee juxta nos occisus est anno quarto Achaz. Atqui tantum anno duodecimo Achaz regis Juda regnavit Osee filius Ela in Samaria super Israel, IV Reg. XVII, 1. Ergo et nos initium regni Osee separare debemus ab interfectione Phacee.

R. neg. ant., et ad probationem distinguo conseq. Ergo et nos separare debemus initium regni Osee, etc., plene et pacifice obtenti; concedo: absolute obtenti; nego conseq. Dico ergo, quod Osee anno quarto Achaz absolute regnare incœperit, tum quia regem jam occiderat, tum quia nullus alius rex erat in Israel; sed ab initio non habuit pacificam regni possessionem, armis Syrorum, vel æmulæ familie occisi Phacee impeditus; adeo ut in Israel tunc fuerit quasi interregnum octo vel novem annorum, donec tandem Osee collectis viribus sceptrum Israëlis plene obtinuerit. Hinc quoque anni Osee dupliciter numerari possunt, scilicet vel ab anno quarto, vel ab anno duodecimo Achaz regis Juda.

CAPUT XXVIII.

Achaz filius Joatham regnans in Juda, non fecit rectum in conspectu Domini; quia vestigia regum Juda deserens scandalose, Israëlis impietatem seculatus est, et ad pudendam idolatriam declinavit. Ob hoc autem aliaque ejus sceleris multipliciter affligitur Juda.

QUESTIO UNICA. — QUO ANNO ET QUO REGNANTE IN ISRAEL, REGNARE COOPERIT ACHAZ REX JUDA.

Resp. et dico: Achaz regnare coepit in Juda post

mortem patris sui, regnante in Israel Phacee filio Romeliae, et quidem anno ejusdem decimo septimo. Nam id clare exprimit Scriptura IV Reg. XVI, 1: Anno decimo septimo Phacee filii Romeliae regnavit Achaz filius Joatham regis Juda. Cum vero y. 2 subiungatur: Viginti annorum erat Achaz cum regnare cœpisset, et sexdecim annis regnavit in Jerusalem, eademque verba repeatantur hic y. 1: sequitur, quod de eodem anno decimo septimo Phacee hic etiam textus intelligatur.

Obj. I. Non potuit Achaz solus regnare anno decimo septimo Phacee, quia hic tantum regnavit 20 annis, IV Reg. XV, 27. Atqui anno secundo Phacee... regnavit Joatham, ibidem y. 52, cuius anno vigesimo occisus dicitur Phacee, ut ante dictum est; ergo Achaz tantummodo solus regnare incepit anno uno post mortem Phacee; ac consequenter videtur potius dicendum, quod Achaz cum patre suo regnaverit annis quatuor.

R. præter dicta ad cap. præced. ex quibus objectio facile dissolvitur, neg. maj. Quia IV Reg. XVI, 7, et hic y. 16, misit rex Achaz (plaga magna percussus a Phacee) ad regem Assyriorum, postulans auxilium contra Phacee, et ei confederatum regem Syriae. Atqui nec a rege Syriae, nec a Phacee fuit impetus Joatham, nec auxilium ab Assyriis imploravit; ergo jam mortuus erat Joatham, solusque regnabat Achaz, dum hoc bellum sustinuit contra Phacee, et nomine proprio auxilium rogavit Assyriorum. Unde et Isaías, cap. VII, 4, non ad Joatham, sed ad Achaz missus est ei nuntiare, ne formidaret iram furoris Rasin regis Syriae, et filii Romeliae. Ergo bellum illud movit Phacee rex Israel, dum mortuo Joatham, solus regnabat Achaz.

Obj. II. Videtur initium regni Achaz potius fosse anno nono Phacee: nam Phacee tantum regnavit 20 annis, et ipso occiso, successit Osee. Atqui annus ille Phacee vigesimus erat duodecimus Achaz; ergo initium regni Achaz fuit anno nono Phacee.

Prob. min. Anno duodecimo Achaz regis Juda, regnavit Osee filius Ela in Samaria super Israel novem annis, IV Reg. XVII, 1. Atqui Osee successit post Phacee; ergo annus vigesimus Phacee erat duodecimus Achaz.

R. neg. assumpt. et min. probationis; ad cuius probationem distinguo min. Osee successit post Phacee, 8 vel 9 annis post mortem ejus concedo: immediate post mortem ejus; nego min. Dico ergo, quod vigesimus ille annus Phacee fuerit tantum quartus Achaz, qui anno ejus decimo septimo regnare coepit. Unde Osee dicitur tantum inchoasse regnum suum anno duodecimo Achaz; quia usque ad illud tempus pacificam regni possessionem non obtinuerat, eo quod vel Syrorum potentia, vel potius amicorum Phacee infestationibus impediretur; ut cap. præced. insinuavimus.

Simile quid habemus III Reg. XVI, 16, ubi habetur, quod eo tempore, quo rebellaverat Zambri, nempe anno vigesimo septimo Asa regis Juda, omnis Israel fecerit

sibi regem Amri: sed cum illico divisus esset Israel, et una pars populi sequeretur Thebni, altera vero pars adhaeret Amri, non computantur 4 vel 5 anni, qui durante ista contentione fluxerunt; sed initium regni Amri tantum sumitur post mortem Thebni. Unde ibidem y. 23 non legimus: Anno vigesimo septimo, sed: Anno trigesimo primo Asa regis Juda regnavit Amri super Israel.

Inst. Responsio data supponit interregnum 8 vel 9 annorum in Israel. Atqui datur modus ad conciliandam apparentem antilogiam sine adstructo illo interregno; ergo præfata responsio non subsistit.

Prob. min. Quia dici potest, quod Osee incœperit regnare immediate post occisum Phacee, sed tributa solveret regi Assyriorum usque ad duodecimum annum Achaz; ideoque isti 8 aut 9 anni ejus regno non annumerentur.

R. neg. min., et ad probationem dico quod non sicut ratio sufficiens octo illos vel novem annos subtrahendi regno Osee, quia solvebat tributa regi Assyriorum: nam etiam IV Reg. XV, 19 et 20, Manahem tributa solvit Phul regi Assyriorum, et nulli tamen anni ejus regno subtrahuntur.

Quinimo si ratio haec sufficeret, ne unus quidem annus dari deberet regno Osee. Quamvis enim anno duodecimo Achaz conatus fuerit excutere jugum regis Assyriorum, factus est ei tamen Osee servus, reddebatque illi tributa... obsedit eum, et vincum misit in carcere... et ascendens Samariam, obsedit eam tribus annis. Anno autem nono Osee, cepit rex Assyriorum Samariam, et transitul Israel in Assyrios, etc., ut videtur est IV Reg. XVII, a y. 3 usque ad 6 inclusive. Ergo nullus annus regno Osee dari posset, cum nonnullus ille annus fuerit ultimus regni ejus.

Quomodo hic y. 5 impiissimus Achaz dicatur filios suis lustrasse in igne, colligi potest ex eis, quæ dicta sunt Quæst. I in cap. XX libri Levitici.

CAPUT XXIX.

Impiissimo regi Achaz succedit sapientissimus filius Ezechias, qui abolitum Dei cultum restaurat, ac plurimas victimas cum ingenti laetitia offerri jubet.

QUESTIO PRIMA. — AN REVERA EZECHIAS FUERIT VIGINTI QUINQUE ANNORUM, DUM REGNARE COEPIT.

Resp. affirmative. Nam IV Reg. XVIII, 1 et 2, dicitur: Anno tertio Osee... regis Israel, regnavit Ezechias filius Achaz regis Juda. Viginti quinque annorum erat, cum regnare cœpisset: et viginti novem annis regnavit. Idem etiam habetur hoc cap. y. 1. Debet tamen hic tertius annus regni Osee computari, non ab eo tempore, quo interfecit Phacee, sed ab illo tempore, quo regnum Israel pacifice obtinuit.

Dices: Ezechias non potuit anno tertio Osee regnare; ergo videtur irrepsisse mendum in y. 1, cap. XVIII lib. IV Regum.

Prob. ant. Quia ibidem cap. XVII, 1, dicitur Osee regnasse anno duodecimo Achaz. Atqui Achaz regnavit 16 annis; ergo Ezechias videtur potius in

choasse regnum anno Osee quinto, vel saltem quarto.

Respondent aliqui, quod Ezechias uno aut altero anno regnare incœperit cum patre suo, anno tertio Osee, et quod a parte rei fuerit annus quintus, dum solus regnavit Ezechias. Verum haec responsio non videtur subsistere.

4. Quia Scriptura loquitur de regno Ezechiae post mortem Achaz, tam hic quam IV Reg. XVIII, cum statim incipiat commemorare pietatem ejus, etc., quam ante mortem patris sui manifeste ostendere non incœpit.

2. Non videtur ex Scriptura erui posse, quod Achaz plus quam 16, et Ezechias plus quam 29 annis in toto regnaverit; sieque, ut prætendit Abulensis, unus, aut duo ex annis Achaz bis computarentur, et nulla eset certitudo in numeris Scripturæ.

3. Quia anno tertio Osee, dum regnasse dicitur Ezechias, refertur etiam fuisse 25 annorum; adeoque si tantum per se regnare incœperit anno quinto Osee, tunc fuisse moriente patre 27 annorum: atqui hoc est inconcepsibile; ergo.

Prob. subsumpt. Pater ejus tantum vixit 36 annis; nam 20 annorum erat, dum regnare coepit, et 16 annis regnavit; ergo Ezechias in isto supposito debuisset esse genitus anno patris sui octavo; quod videtur esse impossibile. Unde

R. quod quidem dicatur Osee regnasse anno duodecimo Achaz, sed cum hic eset completus, inchoatus erat annus regni ejus decimus tertius, qui non computatur, quia non erat integer; sieque ad annum decimum sextum Achaz tantum supererant 3 anni completi. Dum vero Ezechias dicitur regnasse anno tertio Osee, revera jam ex magna parte erat inchoatus quartus; sed illum etiam Scriptura omittit, ut pote non integrum.

Nec fundamento caret posterior haec reflexio, quia IV Reg. XVIII, 9 et 10, quartus annus Ezechias dicitur septimus Osee, et sextus Ezechias nonus Osee, adeoque Scriptura initium regni utriusque ad 3 tantummodo annos ubique distinguit.

Ulterius hic objici posset, quod ex hac sententia sequatur quod Achaz, anno decimo vitæ sue genuerit Ezechiam: nam cum Achaz tantum vixerit 36 annis, et succedens ei Ezechias fuerit tunc 25 annorum, consequens est, ut hic sit natus anno undecimo ætatis patris sui; si enim subtrahantur 25 a 36 annis, manent anni 11. Cum vero 9 mensibus genitus sit antequam natus, sequitur quod genitus sit anno decimo patris.

Sed hanc sequelam admittimus; quandoquidem in eo nulla sit implicatio, ut exemplis probat S. Hieron., epist. 152 ad Vitalem. Vide dicta in lib. III Reg., cap. I et II, Quæst. II, circa finem.

QUESTIO II. — AN EZECHIAS MERITO COMPARETUR DAVIDI.

Resp. affirmative. Etenim summa laus Davidis est, quod fuerit vir secundum cor Dei, religionis zelator eximius, et legis observantissimus. Atqui omnes illi